



21491

kat. komp.

III

Mag. St. Dr.

P

generalis.

Biechanowski Stanisław for: Felix de marinis in pa-
triam contrarium transitus Reverendiss.
olim Patris F. Joan. Bapt. de Marinis.

PANEG. et VITAE

Polon. Fol.

No. 741

Biblioteka Jagiellońska



stdr0002762

M

Phi

Apu

F E L I X
D E M A R I N I S

*In Patria Continentem
transitus,*

REVERENDISSIMI OLIM PATRIS;
F. IOANNIS BAPTISTÆ
De Marinis,

totius celeberrimi Ordinis Prædicatorum,

Quinquagesimi Septimi
MAGISTRI GENERALIS,
Viri,

ob admirabilem integritatem. perpetuum innocentis vitæ candorem,
insignem eruditionis, prudentiæ, paternæ, regiminis præstantiam,
longè desideratissimi,

dum ei,

Flōrentissimus PP. Prædicatorum, Conuentus Cracouiensis,
ad Ædem SANCTISSIMÆ TRINITATIS,
Lugubri exequiarum ritu, communibusq; lacrymis
parentaret;



A
M. STANISLAO IOSEPHO BIEŻANOWSKI, Leopold:
in Alma Vniuersitate Cracouiensi,

Philosophiæ Doctore, Collega Minore, Ordinario Poeseos Professore,
dolenti calamo & obsequio,

Advmbratus.

Anno Salutis 1669 die 19. Iunij.

C R A C O V I Æ,
Apud Heredes CHRISTOPHORI SCHEDEL, S.R.M. Typogr.



FELIX DE MARINIS

in

Patriæ Continentem
transitus.

Soluere ex portu, commune nauigantium alpha;
fugacissima in liquido elemento principia, cum sapius inchoet;
ad continentem usq; continuat raro.

DISCIPLINA HÆC,

Sola omnium, perpetua in tabulis elementa tradens;
nunquam ita mentes perficit;

ut quaternis à morte digitis, vitam in ratibus distare cogitent.

Patriam certè semper fugiens;

ciues quidem accipit; sed circumfert inquilinos;
qui cum aras, focosq; domi reliquerint; ad fumum Ithacæ foris suspirant.
ita sunt, quos perpetuò tellus exsudet;

ut semper in mari sint;

ne frustrà, cum antiquis, aquas maris, sudorem terræ perpetuum putes.

Sed cheu terrarum transfugæ, cogitate?

anchors nauium, vitæ anchoram non sistere.

nisi fortè, securius in lubrico uiuitur; quod Palinuros etiam decipit.

non ubique Arion Delphinas Cytharâ mulcet;

ut præceps Neptuno victima non cadat;

rec ubiq; tam molli nauigio, in continentem venimus;

quibus angusta semper patria est.

QVANTO FELICIVS ille?

qui, ut aliquando tandem, in continentem transfret, de MARINIS;
Semper

Semper in vita continentissimus,
etiam cum in altum duxit, nauigauit in portu;
R E V E R E N D I S S I M V S Olim P A T E R,
F. I O A N N E S B A P T I S T A de M A R I N I S,
totius celeberrimi Pradicatorum Ordinis,
M A G I S T E R G E N E R A L I S.

excepere nascentem vndæ gentilitiæ, sed non fluctus;
iactari quippè non potuit; qui, ut vetusti iactantiam sanguinis fugeret;
exquò vitæ explicuit vela, animum composuit.

Splendorem natalium Romæ, de M A R I N I S,
ad lucidam Dominici Pharum transferens;
portum in ea salutis, non tenuit tantum, sed ostendit;
miro sanè artificio, cum à terra longissimè distaret; vir celestis animi;
in portu tamen perpetuò versatus;

Continentem, vbi non inuenit, fecit;
cum animum ubiq; contineret.

eadem nobilissimi sanguinis prærogatiua;
quæ illi, cum celsissimi nominis & animi præfule,

Illustri D. DOMINICO de M A R I N I S,
Archiepiscopo Auenionensi,

Fratre Germano superstite communis;
ad sacram quoq; cum pertinet,

I N N O C E N T I I X. Pontif: Maximi,
Columbam;

mitissimi animi vir docuit;
quomodo sub hac specie gentilitias eius,

Spiritus Domini ferebatur super aquas;

Spiritus certè mansuetudinis & lenitatis;

ut in eo, de Marinis nihil, præter balcijonia cogites.

quod si pro eo, de Marinis quoq; diutius, iustè contendis;

augustas in IUSTINIANA DOMO, regum olim purpuras,
Materni sanguinis decora; Sacrosq; Purpuratorum Patrum murices, iunge.
tincta his, ad maiestatem usq; coloribus Roma,

in orbis facie, nunquam erubuit.

quinimò ut confunderet impudentes;
geminas ex ijs, inter Tridenti Patres, fulsisse voluit Tiaras:

vbi,

A₂

VIN-

VINCENTIVS quoq; IVSTINIANVS,
Ordinis Prædicatorum MAGISTER GENERALIS;
*pro filijs lucis, tenebrarum filios, orbisq; incendiariam hæresim—,
inextincta Dominici face adussit.*

Quid hîc supercilium tollis?

Vbi placidæ de Marinis vnda, tanta sæculorû, honorûq; cõgerie, nō tollitur.
Omnia flumina currunt in mare, & mare non redundat;

Illud nimirum,

quod Vastitatis suæ conscium, intus habet, quò se recipiat.

Soli quippè breues alueoli,

Facile tument, momentò dissipantur.

*ingentibus aquis magnitudo sua, quam constans, tam componi facilis;
quas etiam guttâ olei sedaueris.*

Grandia hæc, maior titulis omnibus;

maximus ipse Ordinis titulus, & apex,

IOANNES BAPTISTA de MARINIS;

vt in cortice mundi non ferret;

in Religionis nucleum transtulit.

Religiosus magni Dominici Asceta—,

*Arcanum suum, profunde humilitatis, & obseruantie, Sigillo muniens;
cùm omnia feueriori disciplinâ obstruxisset;*

Virtutis & sapientie Rimam, quâ in orbem prodiret, non effugit.

secretum eius hæc, erumpentibus radijs, dùm indicat;

Sacra Congregationis Indicis Secretarium facit.

Valete iam,

Secreti religiosi, Arcanæ dulcesq; ferix;

Imo verò saluete, etiam in alto curarum,

portus animæ, secessusq; perpetui.

Quatuor lustra hîc, & amplius,

Summâ fide, & indefesso labore exacta, non profecere;

vt cum valida negotiorum vi incumbunt,

animi sigillum frangerent;

non quod lateret in eo aliquid; quod hiatus mentium facit,

absorbetq; cùm minimè fluctuat—;

Sed quod posuit fines suos pacem, latuitq; libentiùs;

vt

vt securiùs prodiret.

Et prodijt certè,

Vir ab aureo auo, in cui sui gloriam, subsequenti exemplum;
cùm aureâ in orbem portâ, Iubilei gratia prodijset;

Anno Salutis 1650, die 4. Iunij,

MAGISTER GENERALIS, Canonica electione factus.

Transferri montes, in cor maris putasses;

cùm tam sublimis, tam inconcussa, inter reciprocos summi regiminis assus,

Virtus & sapientia constitisset:

cui quicquid incubuit, nouâ semper magnitudine animi, cum sustentatur;

multiplicati sunt montes, in fortitudine eius;

Sed tam sine sensu fluctuq;

vt qui nasci oleas, in Erythraeo mari contendunt;

huc fortè animum aduerterint.

nullibi quippè prouentus earum uberior;

quàm inter placidissimas de MARINIS vndas;

qua nunquâ sonuerunt, vt turbarètur; cùm oleo tranquillius sèper fluxerint.

adeò quidem,

vt de ijs, venustissima Prædicatorum Ordinis facies dixerit;

nuper me in littore vidi,

Cum placidum ventis staret mare:

vitreum illud, simileq; Crystallo; in quo speculum Ordini fecit,

puritas viri, & innocentia vitæ.

Huc omnium oculi, ad tersissimâ oculi religiosi pupillâ directi;

Summam Iudicij vim, prudentiam, magnitudinemq; animi,

Candorem, mansuetudinem, Charitatem,

nisi admirati dilexissent;

in pupilla cordis, ad trabẽ, non festucam damnatos credidisses.

Dulcis aquæ copia, in marinis quidem rarior;

sub dulcissimo tamen de MARINIS PATRE,

æquè illimi, ac perenni, nectaris & ambrosiæ copiâ abundauit;

vt annosam regiminis eius, 19. annorum Præfecturam;

cùm ob suauitatis paternæ condimenta, non sentitur;

breue, sed carum, Myrmecidis opus fuisse cogites;

quod sub vnius apicula, onustas mellificio pennas,

cum toto Ordinis nauigio venit.

Quis hîc miretur?

*Rosæ illi respondisse sacula? qui mellea condidit;
deductaque ex orbe Nouo,
Orbem uniuersum impleuisse, Peruanæ Rosæ suaueolentiam;
Cum is eam immensis laboribus procurarer;
Qui ipse Christi bonus odor,
coronauit omnia rosis; quibus spinas ademerat;
affabilitatis & charitatis dulcedine, mirus animorum possessor, etiâ victor.*

*Cætera quippè mansuetissimus,
Unum hoc violentiæ genus perpetuò retinuit;
quo in amores omnium, & delicias irrumpens;
etiam quæ non possedit pectora, cepit.
ipse aperto vbiuis pectore, vt viscera charitatis panderet;
consultus oracula pronuntiaret;*

*Qualia nimirum,
sanctæ & vniuersalis Inquisitionis Romana,
Consultorem sapientissimum decuere.*

*Qui dum,
sapientiæ responsa, & exempla vitæ, pariter format;
ad responsum in se mortis, non territus;
mortalem lectulum,
ceu placidam, inter hilares Etesias cymbam, securus conscendit.
sed quænam in sartagine dolorum malacia?*

*Hîc certè maxima;
in qua dolorum adhuc sitiens, cum non quieuisset;
poenosam dolorum Christi hebdomaden,
in suas etiam prouocans pœnas;
ad quos progredi non poterat, reptauit ad dolores;
Cum in Cœna Domini,
numerossimæ Fratrum coronæ, pedes extremum lauans;
inter amorosi operis anhelitus, animam si non efflauit;
certè vt efflaret, anhelauit.*

facile

*fulcire eam floribus, stipareq; malis languentem, non oportuit;
qua floridum, inter rigentes acutissimi morbi spinas, lectulum,*

*Virtute mascula dum sternit; constanti obseruantia,
medicis suadentibus resistens;*

Leniorem stragulam non admisit.

Sed adest sexta Maj,

*quæ doloribus, mortisq; fluctibus, inundatum;
in Continentem, sine naufragio transferet de marinis.*

Ecce portus tuus, ô anima!

in quem,

calesti viatico munita, gratijsq; Apostolicis inundata;

quia fortis, vt mors dilectio;

inter oscula, & amplexus Fratrum; amorisq; tui ad IESVM suspiria;

ad eum, qui te, vt dicebas, quærens sedit lassus;

non lassâ patiando, sed desiderio languens, transijisti;

nimirum in patriam de longè,

non peregrina, sed ciuis & domestica;

ad eorum intimiores amplexus, familiariùs pertinens;

quorum sacros in terris procurasti honores.

Felicitis transitus, celestia tuum,

Cyanea in terris voce,

SIDVS OLORVM Olorq; Pontificum,

SS. D. N. CLEMENS Nonus.

ipsa nimirum clementiæ medulla tenerrima,

cum indoluit, cecinit.

Tanti Patris amissio, inquit, Vniuersali Ecclesiæ haud leue,

detrimentum est.

Ipsi Prædicatorum Ordini, magnum parentem adimit:

Nobis verò Personam aufert, in paucis singulariter charâ,

& ex meritò prædilectam.

Oraculum hoc,

Elogiorum omnium summus apex;

sed non lachrymarum, & desideriorum periodus est.

quæ si cor tuum, ô Ecclesiæ corculum,

Florentissime Prædicatorum Ordo,
recentissimi doloris, irritatione lancinant;
 Saucij cordis, Vnctio illa, & solatij balsamum sit;
 Quod qui,
ex corona mortali, capitis tui cecidit;
 coronæ tuæ immortalī accesserit insertus,
 Pretiosus vnio
 de
 MARINIS.



2 XIX. 42.



